

Дин насиҳатдир

09:53 / 20.03.2019 2301

عَنْ مَالِكٍ: قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «الْحَقُّ عَلَى كُلِّ نَبِيٍّ أَنْ يَدُلَّ عَلَى مَا فِي بَيْتِهِ مِنْ خَيْرٍ».

14. Тамим Дорий розияллоху анхудан ривоят қилинади:

«Набий соллаллоху алайҳи васаллам: «Дин насиҳатдир (холисликдир)», дедилар».

«Ким учун?» дедик. «Аллоҳ учун, У Зотнинг Китоби учун, У Зотнинг Расули учун ва мусулмонларнинг имомлари ҳамда оммалари учун (холисликдир)», дедилар».*

Муслим ривоят қилган.

** Аллоҳ учун холислик – У Зотга, Унинг сифатларига иймон келтириш, У Зотни барча нуқсонлардан поклаб, У Зотга итоат этиш.*

У Зотнинг Китоби учун холислик – унинг Аллоҳнинг каломи эканига иймон келтириш, уни улуғлаш, тиловат қилиш ва унинг аҳкомларига амал қилишдир.

У Зотнинг Расули учун холислик – У зотнинг Аллоҳнинг Расули эканига ишониш, У зот келтирган шариатга иймон келтириш, У зотга итоат этиб, нусрат бериш ва суннатларини тирилтириш.

Мусулмонларнинг имомлари учун холислик – ҳоким ва амирларга ҳақ узра ёрдам бериш, уларга итоат этиш, унутган нарсаларини эслатиш, уларга қарши хуруж қилмаслик ва раиятнинг қалбини уларга улфат қилиш.